

Mēška aplonkius

Če pošīna, če beržīna,
Če aukštē rodē skruzdīlīna,
Spongoulīna ē broknīna –
Tēkrē skanomīna!

Kvep samanas ē kerpēs,
Svaigēn gailē šalēp pelkēs,
Gunda mielenēs – ougas poikēs,
Če ē vaivuors stuov ēšpoikēs.

Paukštele sau daineles dainiou,
Gegotē metelius skaičiou,
Genielis kalvie prakaitou –
Pluonu kūjeliu muojou.

Nu šakelēs ont šakelēs
Žaid rodas vuoverelēs,
Tomsus eglīns pagal keli –
Šernā vestovēs tēn kel.

Šmurkšt ē orva roda kūma,
Bebros pelkie trauk dūma,
Luo stērnēns sokriuošēs,
Draugū dvēkovuo praluošēs.

Mēšks ūž, mēšks gaud,
Ož kelmelē zoikis snaud,
Vakštīuo brēidis plataragis,
Džiaugas patē sosēradēs.

Ē To, laika ka toriesi,
Nuek ē mēška – nesēgailiesi.
Ka tik tēn apsēlonkīsi –
Daug stebuklu pamatīsi!